


ხაშურის მთაშვე



8 (89)

27 თებერვალი, ორშაბათი, 2017 წელი



„რამდენიც არის გადასახედი, თურმე იმდენი საქართველოა“.
ხაშურის ხედი ქვიშხეთის მთაწმინდიდან. არჩილ სუთიაშვილის ფოტო

ჩვენს მუნიციპალიტეტში, მალაღმთიან დასახლებაში მცხოვრების სტატუსით 1700-ზე მეტი მოქალაქე სარგებლობს

ამ დღეებში, ადმინისტრაციულ სახლში, გაიმართა მაღალმთიან დასახლებაში მცხოვრებთა სტატუსის მართვის საბჭოს სხდომა. აღნიშნულ საბჭოს მუნიციპალიტეტის გამგებლის მოამდგილე ზურაბ ჩხიტუნძე ხელმძღვანელობს. როგორც მან ჩვენთან საუბარში აღნიშნა, დღეისათვის რაიონში 33 სოფელი სარგებლობს მაღალმთიანი დასახლების სტატუსით. თავდაპირველად 1288 მოქალაქე ჩაითვადა მაღალმთიან დასახლებაში მცხოვრებად. თუმცა, დღეისათვის საბჭოს 14 სხდომა ჩატარდა და ეს რიცხვი კიდევ 420 კაცით გაიზარდა. საბჭო ყოველ სხდომაზე განიხილავს იმ მოქალაქეთა განცხადებებს და სწავლობს იმ დოკუმენტებს, რომლებიც ითხოვენ სტატუსის მინიჭებას. პარალელურად, რეგულარულად მიმდინარეობს მონიტორინგი და თუ მოქალაქე სამი თვის განმავლობაში არ იმყოფება მაღალმთიან დასახლებაში კონკრეტულ მისამართზე (რომელიც მას რეგისტრაციაში აქვს მითითებული), კანონის თანახმად, ეხსნება სტატუსი.

მაღალმთიან დასახლებაში მცხოვრებთა სტატუსის მართვის საბჭო რეგულარულად ატარებს სხდომებს და ჩვენ ნებისმიერ დროს მზად ვართ, განვიხილოთ ნებისმიერი მოქალაქის განცხადება და პასუხებიც უმოკლეს ვადებში ვაცნობთ, – აღნიშნა საუბრის ბოლოს ბატონმა ზურაბმა.



„ბამოიწერეთ და იპითხეთ „ხაშურის მთაშვე“

- პრაქტიკული რეკომენდაცია - მეთოდის ფერმერებისათვის -

ხორბლის კულტურის განოყიერების ახალი სისტემა

ხორბალი საქართველოს კულტურული ფლორის ერთ-ერთი უძველესი მცენარეა. საქართველოში არსებულმა პირველადმა სახეობებმა ახსნა ხორბლის გვარის ფილოგენეზი და დაამტკიცა, რომ ხორბლის სახეობათა მრავალფეროვნებით, ჩვენი ქვეყანა უნიკალურია მთელ მსოფლიოში.

გვინდა, შემოვთავაზოთ ხორბლის განოყიერების ახალი სისტემა, რომელიც უზრუნველყოფს ხორბლის მაღალხარისხიან და მყარი მოსავლის მიღებას, როგორც სარწყავ, ისე უწყვეტ პირობებში. რეკომენდაციაში გამოყენებულია თანამედროვე ტიპის სასუქები, რომელთა შექმნა შესაძლებელია ქართულ ბაზარზე და დაშვებულია სახელმწიფოს მიერ.



განოყიერების ახალი სისტემის გამოყენების მეთოდის სქემა (ფერადობით) ასეთია: N115 P110+6-ტრივანტი (ფოთლიდან კვება) 1. 1,5 კგ; 2. 3,0კგ; 3. 3,0კგ.

ნიადავის დამუშავების წინ თავისუფლდება ნაკვეთი ნარჩენებისგან, მოხენის წინ შეგვაქვს ამოფოსი (ან ამოფოსკა) სუფთა წონაზე გადაანგარიშებით. N115 P110 კგ. შესაძლებელია სასუქის შეტანა თესვის დრო

საც. თესვის შემდგომ ნათესი უნდა მოიტკეპნოს. აღმოცენების შემდეგ, შემოდგომაზე, როდესაც ხორბალი იწყებს ბარტყობას, ვახდენთ აღმონაცენის ფესვგარეშე გამოკვებას 1,5 კგ-კვებარზე ნუტრივანტით (სასუქები, რომლებსაც კრისტალოს უწოდებენ). 1,5 კგ. სასუქი იხსნება 200-250 ლიტრ წყალში. ამ დროს ძლიერდება ბარტყობა და ფესვთა სისტემა, მატულობს ყინვაგამძლეობა.


ადრე გაზაფხულზე, როდესაც ნათესი იწყებს გამწვანებას, სასურველია, შევიტანოთ ამინოუმის გვარჯილა, ან შარდოვანა თხევადი სახით. სასუქის შედეგად ძლიერდება ნაზამთრალი აღმონაცენი და იწყებს სწრაფ ზრდას, რაც იწყებს ხორბლის დროულ განვითარებას.

ახოტიანი სასუქის შეტანიდან ორკვირიან ინტერვალს ვიყენებთ ნუტრივანტს 3კგ-ს რაოდენობით.

(3 კგ. ნუტრივანტი 300 ლიტრ წყალში). ამ დროს ძლიერდება ბარტყობა, ხდება სწრაფი ზრდა, ჩქარდება დათავთავება.

ისევ ორკვირიანი ინტერვალით კვლავ შეგვაქვს 3კგ-სა ნუტრივანტი, ამ დროს მისი მოქმედება იწყებს ერთდროულ ბარტყობას, ნაბარტყის თანაბარ განვითარებას, რაც აძლიერებს ფოტოსინთეზის პროცესს და ხელს უწყობს მარცვლის ფორმირებას.

აღნიშნული მეთოდით განოყიერებული ხორბლის მოსავალი ეკონომიკურად მომგებიანია, მარცვალი ხარისხიანი და კონკურენტუნარიანია.



როინ კურტანიძე, სოფლის მეურნეობის სამინისტროს ხაშურის საინფორმაციო-საკონსულტაციო სამსახურის მთავარი სპეციალისტი

მეფუტკრეობის სასოფლო-სამეურნეო კოოპერატივების მხარდაჭერის სახელმწიფო პროგრამაში ცვლილებები შევიდა.

მთავრობის სხდომაზე მიღებული გადაწყვეტილების თანახმად, სახელმწიფო პროგრამაში ჩართულ კოოპერატივებს სკების, თაფლის საწურისა და თაფლის შესანახი ავზების გარდა, გადაეცემა ფიჭის ასათლელი დანა ელექტროგამაცხელებლით და ფიჭის ანათლის ავზით.

პროგრამით გათვალისწინებული კრიტერიუმების დაკმაყოფილების შემთხვევაში, კოოპერატივებს დი-

მელთა ჯამური ტევადობა არ უნდა აღემატებოდეს 2 200 ლიტრს და ფიჭის ასათლელი დანა ელექტროგამაცხელებლით და ფიჭის ანათლის

მეფუტკრე კოოპერატივების მხარდაჭერა გრძელდება

ავზით. იმ კოოპერატივებს, რომელთა მეპაიეების 50%-ს შეადგენენ დევნილები ან შეზღუდული შესაძლებლობის მქონე პირები, ასევე, იმ კოოპერატივებს, რომელთა მეპაიეებს შეადგენენ მხოლოდ ქალები, კაპიტალური ინვესტირება გადაეცემათ ღირებულების 20% -ის ოდენობით.

პროგრამაში მონაწილეს შეუძლია მოითხოვოს ნებისმიერი მისთვის სასურველი აღჭურვილობა როგორც ერთად, ისე ცალ-ცალკე.

პროგრამაში მონაწილე კოოპერატივის მიერ წარმოებული თაფლის ერთი ნიმუში უსასყიდლოდ მოწოდება საქართველოს სოფლის მეურნეობის ლაბორატორიაში. მონაწილე ასევე იღებს ტექნიკურ დახმარებას „თაფლის შესახებ ტექნიკური რეგლამენტის დამტკიცების თაობაზე“ საქართველოს მთავრობის 2014 წლის 26 დეკემბერის №714 დადგენილების ძირითადი მოთხოვნების დანერგვასთან დაკავშირებით.

სასოფლო-სამეურნეო კოოპერატივებს მეფუტკრეობის სასოფლო-სამეურნეო კოოპერატივების მხარდაჭერის სახელმწიფო პროგრამაში რეკ

ისტრაცია თბილისში ჩაუსვლელად სასოფლო-სამეურნეო კოოპერატივების განვითარების სააგენტოს ვებ-გვერდზე (<http://www.acda.gov.ge>) დისტანციურად შეეძლება.

მეფუტკრეობის სასოფლო-სამეურნეო კოოპერატივების მხარდაჭერის სახელმწიფო პროგრამაში ჩართული კოოპერატივების სკების აღრიცხვა-რეგისტრაცია ხორციელდება სკაზე შესაბამისი ნიშნის (საადრიცხო ბარათის) დამატებით. აღრიცხვას ექვემდებარება როგორც მონაწილის საკუთრებაში არსებული, ისე კაპიტალური ინვესტირების ფარგლებში გადაცემული სკები, რაც ხელს უწყობს მიკვლევადობას და უზრუნველყოფს ხარისხიანი და უვნებელი თაფლის წარმოებას.

პროგრამაში მონაწილე კოოპერატივი ვალდებულია სახელმწიფო პროგრამის ფარგლებში გადაეცემულ სკებში განათავსოს ფუტკრის ოჯახები სკების მიღებიდან 2 წლის ვადაში დღეის მდგომარეობით აღრიცხულია, როგორც სახელმწიფო პროგრამის ფარგლებში გადაცემული, ასევე, სასოფლო-სამეურნეო კოოპერატივების საკუთრებაში არსებული 34615 სკა.

მეფუტკრეობის სასოფლო-სამეურნეო კოოპერატივების მხარდაჭერის სახელმწიფო პროგრამის ფარგლებში, 164 სასოფლო-სამეურნეო კოოპერატივს გადაეცა 13 936 სკა, 28 სასოფლო-სამეურნეო კოოპერატივს 28 ერთეული თაფლის საწური (ციბრუტი), ასევე, 27 კოოპერატივმა მიიღო ჯამურად 61 400 ლიტრის მოცულობის თაფლის შესანახი ავზები.

პროგრამის მიზანია სასოფლო-სამეურნეო კოოპერატივების საფუტკრე მეურნეობების მატერიალურ-ტექნიკურ ბაზის გაუმჯობესება, მეფუტკრეობის პროდუქტების ხარისხისა და რაოდენობის ზრდა და წარმოებული თაფლის მიკვლევადობის უზრუნველყოფა.



რებულების 30%-ად გადაეცემათ საკუთრებაში არსებული სკების იდენტური რაოდენობა, არაუმეტეს 100 ცალი, 1 ერთეული 12 ჩარჩოიანი თაფლის-საწური (ციბრუტი), თაფლის შესანახი სხვადასხვა მოცულობის (40, 60 და 220 ლიტრიანი) ავზები, რო

სასოფლო-სამეურნეო კოოპერატივების ახალი პეისპექტივები

რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამაში ცვლილებები შედის. მთავრობის სხდომაზე მიღებული გადაწყვეტილების თანახმად, პროგრამას ემატება წვრილფეხა რქოსანი პირუტყვის კომპონენტი. სახელმწიფო პროგრამაში ჩართვა ახლა უკვე არა მხოლოდ მესაქონლეობის, არამედ მეცხვარეობის და მეთხვეობის დარგის კოოპერატივებსაც შეეძლება.



მეცხვარეობის მომთაბარე სპეციფიკიდან გამომდინარე, გათვალისწინებულია კოოპერატივისათვის თანადაფინანსებით ღირებულების 30%-ად, მობილური ტიპის 24 ადგილიანი საწველი აღჭურვილობის გადაცემა, თუ კოოპერატივს ან/და მის მეპაიე(ებ)ს საკუთრებაში გააჩნიათ არანაკლებ 2000 სული ცხვარი

(ნერბი). იმ შემთხვევაში თუ კოოპერატივს ან/და მის მეპაიეებს საკუთრებაში გააჩნიათ არანაკლებ 200 სული თხა (ნეზვი), მას გადაეცემა 12

ადგილიანი საწველი და ყველის დამამზადებელი რძის საწარმოო აღჭურვილობა. საწარმოს შენობა-ნაგებობის აშენება წარმოადგენს მონაწილის ვალდებულებას.

რძის მწარმოებელი სასოფლო-სამეურნეო კოოპერატივების მხარდაჭერად სახელმწიფო პროგრამაში რეგისტრაცია დისტანციურად სასოფლო-სამეურნეო კოოპერატივების განვითარების სააგენტოს ვებ-გვერდზე <http://www.acda.gov.ge> იქნება შესაძლებელი.

რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამა გასულ წელს დაიწყო, რომლის ფარგლებში 2016 წლის განმავლობაში აშენდა და პროგრამით გათვალისწინებული აღჭურვილობით დაკომპლექტდა 9 საწარმო. მათ შორის 2 - სამეგრელო ზემო-სვანეთის რეგიონში, 4 - სამცხე-ჯავახეთში, 2 ქვემო ქართლში და 1 - კახეთში.

სახელმწიფო პროგრამის ფარგლებში, სასოფლო-სამეურნეო კოოპერატივებმა მიიღეს სხვადასხვა სიმძლავრის რძისმიმღებ-გადამამუშავებელი აღჭურვილობა და ნეღლი რძის კონტროლის საველე ლაბორატორიული ხელსაწყოები. პროგრამაში მონაწილე სასოფლო-სამეურნეო კოოპერატივებს მსხვილფეხა რქოსანი პირუტყვის ჯიშობრივი გაუმჯობესებისა და პროდუქტიულობის ამაღლების მიზნით გადაეცა ხელოვნური განაყოფიერებისათვის საჭირო აღჭურვილობა. კოოპერატივები მიიღებენ ტექნიკურ დახმარებას ტრინინგების სახით.

სახელმწიფო პროგრამაში ჩართული კოოპერატივის ვალდებულებას წარმოადგენდა საწარმოს შენობა-ნაგებობის აშენება, რომელშიც განთავსდა კაპიტალური ინვესტირების ფარგლებში გადაცემული დანადგარები.

პროგრამაში ჩართულობით სასოფლო-სამეურნეო კოოპერატივებს ეძლევათ საშუალება სტანდარტების დაცვით მოახდინონ რძის მიღება. ერთის მხრივ ერთობლივად მიაწოდონ რძის საწარმოებს, მეორეს მხრივ კოოპერატივები სუძლევათ შესაძლებლობა მისი მეპაიეების წარმოებული რძე მიიღონ და აწარმოონ რძის პროდუქტები, რაც ხელს შეუწყობს საწარმოო ციკლის გაზრდით კოოპერატივების მეპაიეების შემოსავლების ზრდას.

ვისაც ამერიკულ უნი- ვერსიტეტში ბანათლების ვილია სურს

23 თებერვალს, ხაშურის მუნიციპალიტეტის ბიბლიოთეკის ამერიკის კუთხეში საერთაშორისო განათლების ცენტრის წარმომადგენელმა დალი ხომერიკმა სკოლის მოსწავლეებისთვის და დაინტერესებული პირებისთვის საინფორმაციო შეხვედრა გამართა. განათლების ცენტრი ამერიკული პროგრამა „EDUCATIONAL EXCHANGE PROGRAMS IN GEORGIA“ წარმომადგენელია და მიზნად ისახავს აბიტურიენტებისთვის ხელშეწყობას, რათა მათ შეძლონ ამერიკულ უნივერსიტეტებში ბაკალავრიატის, მაგისტრატურის და სხვა საგანმანათლებლო პროგრამებში ჩართვა.

დალი ხომერიკმა დეტალურად ისაუბრა იმ ნაბიჯებზე, რომლებიც აუცილებელი წინაპირობაა აშშ-ში განათლების მისაღებად. განსაკუთრებული აქცენტი გააკეთა კულტურულ განსხვავებულობის პატივისცემაზე და ეფექტური სამოტივაციო წერილების მომზადებაზე. ამერიკის კუთხის ხელმძღვანელმა ქეთი მეტრეველმა განაცხადა, რომ ხაშურის მუნიციპალიტეტის ბიბლიოთეკის ამერიკული კუთხე მომავალ კვირაში გეგმავს, სამოტივაციო წერილების მომზადებასთან დაკავშირებით, ტრენინგის ჩატარებას.

შეხვედრის ბოლოს, განათლების ცენტრის წარმომადგენელმა წარმატება უსურვა ხაშურელ ბავშვებს და აღნიშნა, რომ აშშ-ში საქართველოდან სტუდენტების მობილობა/გაცვლები ბოლო 5 წლის განმავლობაში 36%-ით გაიზარდა, რაც საკმაოდ მაღალი მაჩვენებელია.



მშენებარე ობიექტი, რომლის დასრულებას ყველა მოუთმენლად ველით

გასულ წელს განხორციელებულ პროექტებსა და მის დადებით მხარეებზე „ხაშურის მოამბემ“ არაერთხელ უამბო ჩვენს მკითხველს. ეს გახლდათ პროექტები, რომლებმაც ერთიორად გააუმჯობესა ქალაქის ინფრასტრუქტურული მდგომარეობა, გააღამაზა იერსახე და ვფიქრობთ, ჩვენი მოქალაქეებისათვის, ნამდვილად თვალსაჩინოა ის წინსვლა, რომელიც მთელმა რაიონმა იგრძნო, ესაა წინსვლა, რომელიც გრძელდება 2017 წელსაც. შეუფერხებლად გრძელდება იმ პროექტების ამუშავება, რომლებსაც გასულ წელს ჩაეყარა საფუძველი და რომლებიც, მიმდინარე წელს წარმატებით დასრულდება. ხაშურის მუნიციპალიტეტის გამგეობაც აქტიურად კურირებს ამ პროექტებს, რათა თითოეულმა ხაშურელმა

მაციისათვის კი, შპს „ლიტ-ჯეო ინვესტის“ დირექტორის მოადგილეს და სამუშაოების მწარმოებელს დავით ლომიძეს გავესაუბრეთ.
- ხაშურის სპორტკომპლექსის მშენებლობა დაიწყო გასული წლის მაისში. პროექტი, ხაშურის მუნიციპალიტეტის დაფინანსებით ხორციელდება. ტენდერის საფუძველზე, კომპლექსის მშენებლობის უფლება გადაეცა შპს „ლიტ-ჯეო ინვესტს“. აღნიშნული მშენებლობა, ორ ეტაპად მიმდინარეობს. პირველი ეტაპის დასრულება,



ით, დადებით პასუხს. თუმცა, აქვე დავამატებ, რომ პირველი ეტაპის გადავადება, არ იმოქმედებს მშენებლობის დასრულების საბოლოო ვადაზე. მშენებლობის დასრულებას კი, ამავე წლის ნოემბერში ვგეგმავთ. პირველი ეტაპი გულისხმობს შემდეგს: მთლიანად შენობის კარკასში მოქცევას, მეორე ეტაპი კი - მოპირკეთებას, კოსმეტიკურ სამუშაოებს, გათბობას და ვენტილაციას. მთლიანად მშენებლობის ბიუჯეტი 2 მილიონით განისაზღვრა. აღნიშნავ ასევე ერთს, რომ სპორტკომპლექსის მშენებლობა გარკვეულ სირთულეებთან არის დაკავშირებული, მაგალითად, დარბაზები 11 მეტრის სიმაღლისაა და ხარაჩოების გარეშე მშენებლები ვერ შეძლებენ მუშაობას. 23 მეტრიანი ხარაჩოები გაკეთდა, რომლის მარტო დაშლა და აწყობა მოითხოვს ძალზედ დიდ დროს. ჩვენ კი, ჩვენი მხრივ, ყველანაირად ვცდილობთ ხარისხიანად შევასრულოთ დაკისრებული საქმე და ვადებოც დავიცვათ.

ჩვენმა მკითხველმა კარგად იცის თუ რა განსაკუთრებულად ვეკიდებით ჩვენი მუნიციპალიტეტის სპორტსმენების მიღწევებს და როგორ აქტიურად და სიამაყით ვაშუქებთ მათ თითოეულ გამარჯვებას. საჭირო და დროული იყო, რომ ბოლომდე გაგვესიგრძეგანებინა ის აუცილებელი საჭიროებები, რომლებიც სპორტსმენებს გამარჯვებების მიღწევაში ეხმარებათ. თბილი, კომფორტული გარემო, დამეთანხმებით, ენთუზიაზმს გაუორმაგებს და გაუსამაგებს, უფრო მეტი გამარჯვებით და მედლებით გაგვახარებენ, რომლებითაც ასე ვამაყობთ. **თ.ახალკაცი**



იგრძნოს ის სიკეთეები, რომლებსაც ეს პროექტები სამომავლოდ გვპირდება.
ამჯერად, ახალი სასპორტო სკოლის მშენებლობის პროცესის მიმდინარეობაზე მოგაწვდით ინფორმაციას. მკითხველის განსაკუთრებული ინტერესი ამ საკითხის გარშემო, საკმაოდ მაღალია და ჩვენც, გარკვეული ინფორმაციის მოძიება არ დავიზარეთ. ინფორ-

ამ წლის აპრილისთვის იყო განსაზღვრული, თუმცა, ასეთი მკაცრი ზამთრის პირობებში, მოგეხსენებათ, უხვი ნალექი და ყინვებია, ჩვენ ვერ შევძელით სრული დატვირთვით მუშაობა. ამის გამო, ხაშურის მუნიციპალიტეტის გამგეობას მივმართეთ წერილით, რომლის მიხედვითაც, მშენებლობის პირველი ეტაპის გადავადება ვითხოვეთ. ამჟამად, ველოდებ-

2010 წლის მაისის თვე იყო, ლექციებიდან სახლში ვბრუნდებოდი, გაჩერებაზე (იჭავჭავაძის პროსპექტი, ყოფილ მე-9 საავადმყოფოსთან) ავტობუსიდან რომ ჩამოვედი, იქვე ახლოს, ხის ძირში, სკამზე ჩამოვჯექი. ზუსტად იმ ადგილას ავტოსადგომია, ჩემი ყურადღება იქ მომუშავე ე.წ. „სტაიანშიკმა“ მიიქცია, ვაკვირდებოდი მის ყოველ მოძრაობას, თუ როგორი სიყვარულით ასრულებდა თავის მოვალეობას, როგორი თავაზიანობით, ყურადღებით და პატივისცემით ემსახურებოდა მძღოლებს, გზას ულოცავდა და მშვიდობიან მგზავრობას უსურვებდა მათ. როდესაც თავისუფალი დრო გამოუჩნდა, მოვიდა და ჩემს გვერდით სკამზე ჩამოჯდა, ერთმანეთს დაველაპარაკეთ და გავეცანით. მისმა ადამიანურმა თვისებებმა ჩემზე კარგი შთაბეჭდილება მოახდინა, ეს პიროვნება თბილისელი სომეხი აშოტ ბაღდასარიანი აღმოჩნდა.



მას შემდეგ ხშირად მიხდებოდა მისი ნახვა, რადგან ჩემი გაჩერება მის სამუშაო ადგილთან მდებარეობს, ამიტომ, ბუნებრივია, გვერდს ვერ ავუვლიდი.

როდესაც რამდენიმე წელი (დაახლოებით 3 წელი) გავიდა, უფრო და უფრო ვრწმუნდებოდი, თუ როგორი კეთილშობილი, განათლებული და ალაღმართალი პიროვნება იყო ბატონი აშოტი, ამასთანავე საინტერესო მოსაუბრეც აღმოჩნდა. ერთხელ თავისი ოჯახის ისტორიის შესახებ მიაბო: „1915 წელს, როდესაც თურქებსა და სომხებს შორის დაპირისპირება დაიწყო და თურქებმა სომხებს გენოციდი მოუწყვეს, მაშინ პაპანემი თურმე გამოქცეულა, თბილისში ჩამოსულა და აქვე დასახლებულაო, მე 1956 წელს დავიბადე, ვცხოვრობდით და ბავშვობა გავატარე ე.წ. „პურის მოედანზე“ (მდებარეობდა ძველ თბილისში, ახლანდელი ლესელიძის ქუჩის ახლოს, ახლაც ამ სახელით მოიხსენიება). მე მართალია, სომეხი ვარ მაგრამ საქართველოში დავიბადე, გავიზარდე, ოჯახი აქვე შევქმენი, ორი ვაჟი ადგილობრივი და საქართველო მიყვარს, სხვებივით გვარი არ გადამიკეთებია, არც არასოდეს გვიფიქრია გვარის გამოცვლაზე, მშობლებმა ქართული ტრადიციებით გაგვზარდეს, მეც ასევე ადვილად ჩემი შვილები. „იტალიურ“ ეზოში გავიზარდე, სადაც გვერდიგვერდ ვცხოვრობდით სხვადასხვა ეროვნების წარმომადგენლები (ქართველები, სომხები, ებრაელები, ქურთები, ბერძნები, რუსები, აზერბაიჯანელები და სხვები), ერთმანეთთან ძალიან კარგი დამოკიდებულება, გვექონდა, როგორც ძმები ისე ვიზრდებოდით. ლხინშიც და ჭირშიც ერთმანეთის გვერდით ვიდექით და ერთმანეთს ყოველთვის დახმარების ხელს ვუწვდიდით“...

გუსმენდი მის საუბარს და კიდევ ერთხელ ვრწმუნდებოდი თუ როგორი ტოლერანტული ქვეყანაა ჩვენი საქართველო.

ეროვნება არაფერ შუაში არ არის კარგი, კეთილმეზობლურ დამოკიდებულებასთან, მთავარია ადამიანობა, ადამიანის სულიერი სამყარო... ცუდი და კარგი ადამიანი ყოველ ერშია, მთავარია, შეგვეძლოს, კარგის და ცუდის ერთმანეთისაგან გარჩევა. და ისინი, რომლებიც (პიროვნება იქნება, პირთაჯგუფი თუ სახელმწიფო) ეროვნებათაშორის უღელის და მტრო-

ბის გაღვივებას ცდილობენ, არიან მტრები ამ ეროვნებების, მათ საკუთარი მიზნები ამოკრავებთ, რათა ამ ბოროტი ქმედებით გარკვეული მოგება და გამორჩენა მიიღონ.

თავის საუბარში ეს კეთილი კაცისაქართველოს უახლოეს ისტორიასაც შეეხო და გაიხსენა აფხაზეთის ომი, ის გულისტკივილ-

აღამიანები-სიღები

ით ყვებოდა და გმობდა, რაც მაშინ სომხებმა, კერძოდ, „ბაგრამიანის ბატალიონმა“ ჩაიდინა, რომლებიც სასტიკად უსწორდებოდნენ ქართველებს. იხსენებდა და მის საუბარში იგრძნობოდა სინანული და გულისწყრომა ამ ამბის მიმართ. აღარასოდეს აღარ უნდა მოხდეს დაპირისპირებები და გაუგებრობები, რაც ჩვენს ორ ერს შორის ხდებოდა, მე ყველაფერს ვილონებ, რაც ჩემზე იქნება დამოკიდებული, როცა სომხეთშიც მომიხდება ყოფნა, რომ ქართველებსა და სომხებს შორის დაეთესო სიკეთე, სიყვარული და ის ადამიანური ფასეულობები წარმოვაჩინო, რომლებიც ხელს შეუწყობს და უფრო გააღრმავებს ქართველებსა და სომხებს შორის კეთილმეზობლურ ურთიერთობებს, რომ ყველა საკითხი, რომელიც სადაო იქნება, კონსენსუსისა და ურთიერთპატივისცემის დამოკიდებულებით გადაიჭრას.

ჩვენ ხომ უძველესი ცივილიზაციის ორი ერი ვართ. ღმერთმა გვერდიგვერდ მოგვიჩინა ადგილსამყოფელი, ამას კი ვაფრთხილება და მუდმივი „კვება“ სჭირდება.

დარწმუნებული ვარ ისეთი ადამიანი, როგორც ბატონი აშოტი ბრძანდება, არსებობენ როგორც აფხაზეთში, ოსებში, აზერბაიჯანელებში, რუსებში, ისე ყველა ერში.

მაგრამ ჩვენ ყველაზე მეტად ჩვენი სამეზობლო გვანტერესებს, რადგან აღსადგენია ჩვენი ტერიტორიული მთლიანობა და როგორც არასდროს, დღეს ისე სჭირდება ჩვენს ქვეყანას სახალხო დიპლომატიის ამოქმედება. ჩემი აზრით, სწორედ სახალხო დიპლომატია შეასრულებს ერთ-ერთ მნიშვნელოვან როლს ჩვენთვის ესოდენ მეტად საჭირო, სასიცოცხლოდ მნიშვნელოვანი საკითხის გადაჭრაში.

მაგალითად, აფხაზეთთან ურთიერთობის დარეგულირებაში, ვფიქრობ მნიშვნელოვან როლს შეასრულებს ბატონი ოთარ ბენიძე.

ბატონი ოთარის არის სოხუმში დაბადებული, აფხაზეთთან ერთად გაზრდილი, იქ მიიღო უმაღლესი იურიდიული განათლება, 1990 წელს აფხაზეთის იუსტიციის მინისტრად დანიშნეს როდესაც ომი დაიწყო, ბატონი ოთარი იძულებული იყო, თავის ოჯახთან ერთად თბილისში გადმოსულიყო საცხოვრებლად, აფხაზეთის მთავრობამაც თბილისში განაგრძო ფუნქციონირება. 1996 წელს, როდესაც საქართველოს საკონსტიტუციო სასამართლო დაარსდა, ბატონი ოთარი საკონსტიტუციო სასამართლოს თავმჯდომარის მოადგილედ აირჩიეს, ამავდროულად მე-2- კოლეგიის თავმჯდომარეც

იყო; მეც მე-2 კოლეგიაში ვმუშაობდი მოსამართლის თანაშემწედ, ათი წელი ერთად ვიმუშავეთ მე და ბატონმა ოთარმა, ის არის ყურადღებიანი, ერუდირებული, უკეთილშობილესი, სამართლიანი, თავის ქვეყანაზე უსაზღვროდ შეყვარებული, ისეთი, როგორც უნდა იყოს უმაღლესი რანგის მოსამართლე.

მე ყოველთვის მომწონდა და მიზიდავდა მისი სულიერება, შინაგანი სამყარო, ღმერთისადმი სიყვარული სწორედ მისმა ასეთმა თვისებებმა დამამეგობრა მასთან, მეამაყება, რომ ვარ მისი მეგობარი.

ბატონ ოთარს მრავალი აფხაზი მეგობარი ჰყავს აფხაზეთში, ამიტომ მისი პოტენციური და ურთიერთობები აუცილებლად უნდა იქნეს გამოყენებული, როგორც სახალხო დიპლომატიის გამოვლინების ერთ-ერთი მაგალითი. მას ბევრი სასიკეთო საქმის გაკეთება შეუძლია ტერიტორიული მთლიანობის აღდგენის საქმეში.

ბატონი ოთარი ხშირად ამბობს ხოლმე: „ჩემი ოცნებაა სოხუმში დაბრუნება, სადაც დავიბადე და გავიზარდე, მინდა, მოვინახულო და ხშირად მივიდე ჩემი შვილისა და წინაპრების საფლავებზე, მე ყველაფერს გავაკეთებ იმისათვის, რომ აღდგეს ის ურთიერთობები, რაც იყო ჩვენსა და აფხაზებს შორის“.

მართლაც ბევრის გაკეთება შეუძლია ამ მიმართულებით ბატონ ოთარს.

არიან ადამიანები, რომლებსაც ანალოგიური საქმის გაკეთება შეუძლიათ ოს ხალხთან ურთიერთობების დალაგება-დარეგულირებაში.

ვფიქრობ, დადგა დრო იმისა, რომ ამოქმედდეს, სახალხო დიპლომატიის მექანიზმი და თამამი ნაბიჯები გადაიდგას ამ კუთხითაც.

სახალხო დიპლომატიის ამოქმედებისათვის აუცილებელია საქართველოს ხელისუფლების მხარდაჭერა, მისი კეთილი ნება, გვეჯერა, რომ ეს ასეც იქნება.

დადგა დრო, როდესაც ცუდი წარსული დავიწყებას უნდა მივცეს და დაიწყო საქართველოს გაერთიანება, რაშიც სახალხო დიპლო-



მატია თავის აუცილებელ და მნიშვნელოვან როლს შეასრულებს.

ერთიანი, ძლიერი, ერთ-ერთი ძველი ცივილიზაციის მქონე საქართველოს არსებობა არამარტო ქართველთა ინტერესებშია, არამედ, ასეთი საქართველოს არსებობა, ყველა ჩვენი მეზობლების ინტერესებში მოიაზრება, რომლის საფუძველსაც ჩვენი სამშობლოს გეო-პოლიტიკური მდგომარეობაც განაპირობებს.

ეს კი გარანტი იქნება რეგიონში მშვიდობისა და სტაბილურობისა, რაც ჩვენს ირგვლივ არსებული ყველა ქვეყნის განვითარებას ხელს შეუწყობს.

ამირან კურტანიძე,
ხაშურის მუნიციპალიტეტის საკრებულოს აპარატის უფროსი, პირველი კლასის სახელმწიფო მრჩეველი, სამართლის პროფესორი

ხაშურის მუნიციპალიტეტში რეგისტრირებული და მუდმივად მცხოვრები სოციალურად დაუცველი მოსახლეობის საყოფაცხოვრებო პირობების გაუმჯობესების მიზნით, მუნიციპალიტეტის მიერ შემუშავებულია უმწეოთა უფასო კვების 2017 წლის მუნიციპალური პროგრამა.

მათი რიცხვი, ჩვენდა სამწუხაროდ, არც ისე ცოტაა. როდესაც უმწეოთა უფასო კვების პროგრამას გავეცანი, გადავწყვიტე,

ძიპ სოსო და ერთი ოჯახად ბაბრთიანებული 185 ადამიანი

პროგრამის ბენეფიციარები არიან სოციალურად დაუცველი პირები, რომელთა რეიტინგი სოციალურად დაუცველი ოჯახების მონაცემთა ერთიან ბაზაში 0-70 000 ქულის ფარგლებშია, ასევე, შრომისუნარო და მარტოხელა პირები.

უმწეოთა უფასო კვების პროგრამის ფარგლებში 185 ბენეფიციარი ყოველდღიურად სამკომპონენტო უფასო სადილით იკვებება. პროგრამა ხაშურის მუნიციპალიტეტის ბიუჯეტიდან 120 195 ლარით ფინანსდება.

უმწეოთა უფასო კვების 2017 წლის მუნიციპალური პროგრამის ადმინისტრირებას მუნიციპალიტეტის გამგეობის ჩანმრთელობის დაცვისა და სოციალური უზრუნველყოფის სამსახური ახორციელებს.



არსებობს თემები, რომელზეც წერა, განსაკუთრებულ სპეციფიკას მოითხოვს, იქმნი დამოკიდებულებას, ეძებ სიტყვებს, რადგან იმ ადამიანების ცხოვრებას ეხები, რომლებსაც ცხოვრების კანონზომიერების სულაც არ სჯერათ-რადაკით გამოარჩია ცხოვრებამ, სხვისი კეთილი ნების მომლოდინენი გახდა. ზოგჯერ არასწორად გამოვხატავთ ემოციებს, სახელებსაც არასწორად ვურჩევთ მზრუნველობამოკლებულ, სოციალურად დაუცველ, ჩვენი საზოგადოების იმ წევრებს, რომლებიც წლების წინ, ჩვენი ქვეყნის მატერიალურ და სულიერ დოვლათს ქმნიდნენ,

სიკეთით სავსე მიგვიპატიუა და არც საუბარზე უთქვამს უარი. ბრინჯის ფაფას და სხვა გემრიელობებს აკეთებდა, ენერგიულად, მომდიმარი იდგა გაზქურასთან-ადვილი არაა ყოველდღიურად 185 ადამიანის მასპინძლობა. ამისთვის, არც გამოცდილება და არც ენერჯია აკლია, არც სიკეთე და სუფთა გული. ძალიან უყვართ, ხელს უქებენ, მის იმედზე არიან:

–45 წელია მზარეული ვარ. მიუხედავად დღიური ნორმის სიმცირისა, ვცდილობ, ყველას სურვილი დავაკმაყოფილო. რომ მოდიან მოხუცები, გვლოცავენ. დადიან შვიდსულიანი ოჯახები, საიდანაც მხოლოდ ორს ეძლევა ჩვენთან კვების უფლება. ბავშვიანი ოჯახები, მოხუცები, ახლა ოთხი ადამიანი დაგვიმატეს, დარჩენილ საკვებსაც ვუნაწილებ. მეჩუცი ისეა შედგენილი, კვირაში ერთხელ ხორციანი გუფთაა, თევზი, კვერცი, სოსისი, მაგრამ მცირე ულუფებით, რთულია ხორცის ზუსტად 50 გრ. დანაწევრება. ძირითადად, ხორციან საჭმელზეა მოთხოვნილება, რის შესაძლებლობასაც დღევანდელი ბიუჯეტი არ იძლევა 76 წლის ნათელა ბებოც მათი სტუმარია, ყველას განგამოარჩევთ, შავებით მოსილ, შეილმკვდარ დედას. ყოველდღე მოდის დღიური ნორმის მისაღებად, ყველას მოეფერება, იმედს მისცემს და მიდის. მეც მომეფერა, თავის ცხოვრებაზე მიაბხო, წუწუნის, ყვედრების

გარდა, ყველაფერი ნორმირებული და აწონილია. უმწეოთა სასადილოს იმსურნელის წყალობით მივაღიქვი, რომელსაც ათეულობით წელია სოსო ძიას მარჯვე ხელები და გამოცდილი გონება ქმნის. რამდენიმე ადამიანი (ბენეფიციარად შეგნებულად არ მოვიხსენიებ), დღიურ ულუფას ელოდა. გავეცანი, მეგონა, ჩემი ვინაობის გაგების შემდეგ, უხერხულობას იგრძნობდნენ, სოსო ძიამ, (ასე მოვიხსენიებ მზარეულს), თბილად



გარეშე, მაღლობელი ვარო-მაღლობელი იყო. ტკივილსწვეულს, ეს ოჯახი დარჩა:

–წიფაში დავიბადე, 40 წელი თბილისში ვიცხოვრე და ვიმუშავე. შვილების გარდაცვალების შემდეგ, 2001 წელს, ჩემს მარტოხელა დასთან ჩამოვედი ხაშურში საცხოვრებლად. მისი გარდაცვალების შემდეგ, მარტოხელა ვარ, გარდა სოციალური დახმარებისა, სხვა შემოსავალი არ მაქვს. აქ მოვდივარ ყოველდღე და მიმაქვს ჩემი დღიური ნორმა, სახლში ვანაწილებ, რომ მეორე დღისთვისაც გადავლო მცირე ულუფა. ძალიან კარგი, თბილი გარემოა, ზოგს შეიძლება სახლში არ ჰქონდეს ასეთი სითბო. გემრიელი საჭმელია, სისუფთავე, ვცოცხლობ აქაურობით. ჩემი სახლის დაკარგვის შემდეგ, ერთადერთი ადგილია, რაც მაცოცხლებს და მახალისებს, ყველა მამიდას მიძახის, სხვებზე ზრუნვის გამო. ყველაფერია, თევზი, ხორცი, კვერცი-მხოლოდ მცირე რაოდენობით, ამისთვისაც მაღლობლები ვართ.

ჩემთან ბედზე არც ვერა ბებოს დაუჩივლია, მგ ზავრობა მიჭირსო, ის კი თქვა. მინის ქილები სოსო ძიას გაუწოდა და ჩემთან საუბარს დაუბრუნდა:

–ოჯახი არ მეყავს, წინა ხელისუფლების დროს სახლი დაგვარგე, ჩემი შვილი დარდს გადაჰყვა, დავრჩი მარტო, მარჩენალის გარეშე, სოციალური დახმარების ანაბარად. პენსიით ქირას ვიხდი, სოც. დახმარებით წამლებს ვყიდულობ. რომ არა უფასო სასადილო, კვებაც გამიჭირდებოდა. გადაადგილება ძალიან მიჭირს, ამიტომ დღეს აქ ვტოვებ საკვებისთვის განკუთვნილ ჭურჭელს, რომ ყოველდღე არ მომიწიოს მოსვლა.

ნიკოლოზ გონგლაძე, როგორც უხუცესი, ისე წარმიდგინეს. 91 წლისაა, ყოველდღე მოდის და ცოლისთვისაც მიაქვს საჭმელი. შვილებიც ჰყავს, მაგრამ დიდი ხანია სახელმწიფოს იმედზეა. თბილისში ცხოვრობდა, უფასო სასადილოთი სარგებლობდა, ახლა ჩვენ ქალაქშია, აქ დამკვიდრდა ავადმყოფ მეუღლესთან ერთად, ზრუნვას არ აკლებს, არც შვილებს საყვედურობს:

–91 წლის ვარ, მესამე წელია აქ დავდივარ, მანამდე თბილისის უფასო სასადილოთი ვსარგებლობდი. სამი შვილი მეყავს, მაგრამ მათთან ურთიერთობა არ მაქვს. ჩემი ცოლისთვისაც აქედან დამაქვს საჭმელი, გადაადგილება არ შეუძლია. ძალიან გემრიელად ამზადებენ, გარდა საკვებისა, ოჯახივით ვცხოვრობთ, ერთმანეთის იმედი გვაქვს. პატივს მცემენ, როგორც უხუცესს.

პრობლემებზე მიყვებოდნენ, უსახურავო, წვიმიანამომდინარე სახლებზე, რაც აძლებინებთ, რაც ახარებთ სოსო ძიას ბარაქიანი, მაღლიანი ხელია, არაფრისგან გვიმზადებსო-ხუმრობდნენ. ემოციას, რომელიც იქიდან წამოსულს გამოძევა, სახელი ვერ შევურჩიე, მაგრამ ერთზე ყველა უნდა ვთანხმდებოდეთ –საქართველოში არავის არ უნდა შიოდეს!

თ. ჯავახიშვილი



თ. ჯავახიშვილი

- სამბო -

ოქროს, ვერცხლის, ბრინჯაოს

ამ დღეებში, ზესტაფონში, ჭიდაობა სამბოში, ახალგაზრდებს შორის, საქართველოს პირველობა გაიმართა. ჩვენი სასპორტო სკოლის გუნდი ღირსეულად წარსდგა ჩემპიონატში.



განსაკუთრებით გვასახელა ლუკა მაისურაძემ (სურათზე), რომელიც გუნდის ნამდვილი ლიდერია. იგი მსოფლიო ჩემპიონის ტიტულის მფლობელია ახალგაზრდებში და თავი არც ამჯერად შეურცხვენია. ფინალამდე მან სამი მეტოქე ჩამოიცილა. ფინალში კი დამაჯერებლად - 4:0 მოუგო მეტოქეს და საქართველოს ჩემპიონობა მოიპოვა.

ღირსეულად იჭიდავა ვახტანგ მეტიფიშვილმა, რომელმაც 62 კგ. კატეგორიაში მხოლოდ ფინალური შეხვედრა დათმო და ვერცხლის მედალი ირგუნა.

პარალელურად, მიმდინარეობდა ჩემპიონატი ჭაბუკებს შორის, სადაც გიორგი ბედოშვილ-

მა(52კგ) ბრინჯაოს მედალი მოიპოვა.

აღნიშნულმა ჩემპიონატმა კიდევ ერთხელ დაადასტურა, რომ ხაშურის საჭიდაო სკოლა ერთ-ერთი მოწინავეა ქვეყნის მასშტაბით და გეგმავს, გამოცდილი მწვრთნელების ბუხუტი ბუხრიკიძისა და ბეგლარ ხარშილაძის აღსაზრდელები არც მომავალში შეირცხვენენ თავს.

შშმ ბავშვებისათვის ადაპტირებული ატრაქციონები ბაიხსნა

21 თებერვალს, ქალაქის ცენტრალურ პარკში, შშმ ბავშვებისათვის, ადაპტირებული ატრაქციონები გაიხსნა.



ორბელიანის ფონდის წარმომადგენლებმა მადლობა გადაუხადეს ხაშურის მუნიციპალიტეტის გამგებელს, ხაშურის მაჟორიტარ დეპუტატს და მის ბიუროს, ა(ა)იპ „სავანეს“ და შპს „ფოლადს“ პროექტის განხორციელებაში გაწეული თანადგომისათვის.

აღსანიშნავია, რომ შშმ ბავშვებისათვის ადაპტირებული ატრაქციონები დღემდე არა მხოლოდ ხაშურის მუნიციპალიტეტში, არამედ შიდა ქართლის რეგიონშიც არ არსებობდა და ეს რეგიონული მასშტაბით პირველი პრეცედენტია.

გახსნის ცერემონიას ესწრებოდნენ ხაშურის მუნიციპალიტეტის გამგებელი გიორგი გურასბაშვილი, საკრებულოს თავჯდომარე ვაჟა შუბითიძე, ხაშურის მაჟორიტარი დეპუტატი სიმონ ნოძაზე, მუნიციპალიტეტის და საზოგადოების წარმომადგენლები.

„კონსტიტუციური მონარქია და დიდი ბრიტანეთი“ - ლექცია-დისკუსია ხაშურის ბიბლიოთეკაში

ხაშური ახალგაზრდა და ნიჭიერი თაობით მუდამ იყო ერთ-ერთი გამორჩეული ადგილი საქართველოში. ხაშურელი მოსწავლეების დიდი ნაწილი ცდილობს იყოს მოქალაქეობრივად, შემოქმედებითად და საზოგადოებრივად აქტიური და ამაში მათ ხაშურის მუნიციპალიტეტის ბიბლიოთეკა და ხაშურის ამერიკის კუთხეც ეხმარებათ. ამასთან ერთად, რამდენიმე წლის წინ მუნიციპალიტეტში დაარსდა არასამთავრობო ორგანიზაცია „ხაშურის ახალგაზრდული თვითმმართველობა“, რომელიც ზრუნავს ახალგაზრდების კულტურულ, თუ სხვა სახის აქტივობებში ჩართვაზე. 2017 წლის 7 თებერვალს, ხაშურის ახალგაზრდული თვითმმართველობის წევრმა, წმიდა ანდრია პირველწოდებულის სახელობის ქართული უნივერსიტეტის სტუდენტმა გიორგი ჩუბინიძემ, ხაშურელი მოსწავლეებისთვის, რომლებსაც ხაშურის ბიბლიოთეკაში უკვე დიდი ხანია აქვთ „ლიტერატურული კლუბი“, ჩაატარა ლექცია-დისკუსია თემაზე: „კონსტიტუციური მონარქია და დიდი ბრიტანეთი“. ღონისძიება მიეძღვნა დიდი ბრიტანეთისა და ჩრდილოეთ ირლანდიის გაერთიანებული სამეფოს მონარქის - დედოფალ ელისაბედ II-ის მმართველობის დასაწყისიდან 65-ე წლის, ლურჯი საფირონის იუბილეს. ღონისძიებას კლუბის წევრებთან ერთად, ესწრებოდნენ ხაშურის ბიბლიოთეკის დირექტორის მოვალეობის შემსრულებელი ნინო კიკნაძე, ხაშურის ამერიკის კუთხის კოორდინატორი ქეთევან მეტრეველი და ბიბლიოთეკის თანამშრომელი მავრა გელაშვილი. მონაწილეებმა იმსჯელეს კონსტიტუციური მონარქიის საკითხებზე, მიმოიხილეს ბრიტანელი და სხვა პოლიტიკოსების წვლილი მსოფლიო პოლიტიკაში, როგორცაა მარგარეტ ტეტჩერისა და რონალდ რეიგანის ტანდემი, როგორც ესმოდათ მათ დღესაც აქტუალური და განხილვადი საკითხები, გენდერული თანასწორობისა და ა.შ.

გიორგი ჩუბინიძე: „ლექციის თემა აქტუალური და საინტერესოა იმდენად, რამდენადაც მსოფლიო დიდი ყურადღებითა და ინტერესით ადევნებს თვალყურს დიდი ბრიტანეთის სამეფო ოჯახს, მათ როლს საზოგადოებრივ ცხოვრებაში. აგრეთვე, საინტერესოა, მარგარეტ ტეტჩერის, როგორც ევროპაში პირველი ქალი პრემიერ-მინისტრის ფენომენი მსოფლიო პოლიტიკაში, ვინაიდან, ის იყო XX საუკუნის მეორე ნახევრის ერთ-ერთი მთავარი ფიგურა, რომელიც, ერთგვარად, ქმნიდა პოლიტიკურ ამინდს მსოფლიოში, რაც ცხადია, ჩვენს ქვეყანაზეც (მაშინ სსრკ-ს შემადგენლობაში) ახდენდა გავლენას. აგრეთვე, საინტერესოა ის მსგავსება-განსხვავებები, რაც დიდ ბრიტანეთსა და საქართველოს აქვს. მადლობა ბიბლიოთეკას, რომ მომცა შესაძლებლობა ამ საინტერესო თემებზე მესაუბრა „ლიტერატურული კლუბის“ წევრ ნიჭიერ მოსწავლეებთან ერთად“.

საგალობლებით დაფასებული ღვანდი

22 თებერვალს, ხაშურის მუნიციპალიტეტის მხარეთმცოდნეობის მუზეუმში გაიმართა კონფერენცია თემაზე - „ექვთიმე კერესელიძე“. კონფერენციაში,



რომლის ორგანიზატორიც ნანა ჯოხაძე იყო, დიმიტრი ყიფიანის სახელობის სკოლა-პანსიონის გოგონათა მგალობელი გუნდი მონაწილეობდა. გოგონებმა, ძველი ქართული საგალობლების გადარჩენის საქმეში, ღირსი ექვთიმე აღმსარებლის (ერისკაცობაში ევსტათე კერესელიძე) მიერ გაწეული დეკლარაციის შესახებ ისაუბრეს და საგალობლებიც შეასრულეს.

დღევანდელი კონფერენცია თემატურად უკავშირდებოდა მხარეთმცოდნეობის მუზეუმში მიმდინარე მოძრავ ფოტო-ექსპოზიცია „სავანძურს“, რომლის ფარგლებშიც ქართული ქრისტიანული ხელოვნების ფოტოასლებია წარმოდგენილი.

კონფერენციის დასასრულს, ნახევრები იყო ექვთიმე კერესელიძეზე შექმნილი დოკუმენტური ფილმი.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.

ბ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.